



Broj: 03-04-05-21670/15  
Sarajevo, 03.08.2015.godine

(65)

**PREDSJEDAVAJUĆI SKUPŠTINE KANTONA SARAJEVO**  
**gosp. Sejo Bukva**

**PREDMET: Odgovor na zastupničko/poslaničko pitanje zastupnice/poslanice  
Bibija Kerle**

**VEZA: Vaš akt, broj: 01-05-19701/15 od 23.07.2015. godine**

Na Petoj radnoj sjednici Skupštine Kantona Sarajevo, održanoj 21.07.2015. godine, u okviru tačke Dnevnog reda „Poslanička pitanja, inicijative i odgovori“, zastupnica/poslanica Bibija Kerla je postavila slijedeće zastupničko/poslaničko pitanje:

„Interesuje me koji je način da se smanji broj vijećnika u opštinama, poslanika u skupštinama, delegata u Domu naroda Federacije i države? Smanjenjem ovog broja za samo 6 vijećnika ili poslanika i delegata uštede u budžetima opština, kantona, Federacije i države bi bile ogromne. Od početka mog mandata samo jedna sjednica je bila zastupljena sa svim izabranim poslanicima. Neke odluke su se donosile glasanjem 27 poslanika pa zašto npr. Skupština mora imati 35, a ne 29 poslanika?“

**O D G O V O R**

Pitanje broja poslanika/zastupnika u tijelima zakonodavne vlasti, odnosno vijećnika u predstavničkim tijela jedinica lokalne samouprave je pitanje koje se uređuje isključivo ustavom, odnosno statutom jedinica lokalne samouprave.

Ustavima određenih nivoa vlasti u Bosni i Hercegovini (Ustav Bosne i Hercegovine, Ustav Federacije, Ustav Kantona Sarajevo), kao i statutima pojedinih jedinica lokalne samouprave je određen broj poslanika u parlamentu, skupštini, odnosno broj vijećnika u općinskim i gradskim vijećima.

S tim u vezi, ističemo pojedine odredbe Ustava Bosne i Hercegovine, Ustava Federacije Bosne i Hercegovine i Ustava Kantona Sarajevo koji se odnose na broj poslanika/zastupnika u zakonodavnim tijelima:

Ustav Bosne i Hercegovine

*Član IV*

*(Parlamentarna skupština)*

*Parlamentarna skupština ima dva doma: Dom naroda i Predstavnički dom.*



**web:** <http://mpu.ks.gov.ba>

**e-mail:** [pravda@ks.gov.ba](mailto:pravda@ks.gov.ba)

Tel: + 387 (0) 33 562-083, Fax: + 387 (0) 33 562-241  
Sarajevo, Reisa Džemaludina Čauševića 1



## **1. Dom naroda**

Dom naroda se sastoji od od 15 delegata, od kojih su dvije trećine iz Federacije (uključujući pet Hrvata i pet Bošnjaka) i jedna trećina iz Republike Srpske (pet Srba).

a) Nominovane hrvatske, odnosno bošnjačke delegate iz Federacije biraju hrvatski odnosno bošnjački delegati u Domu naroda Federacije. Delegate iz Republike Srpske bira Narodna skupština Republike Srpske.

b) Devet članova Doma naroda sačinjava kvorum, pod uslovom da su prisutna najmanje tri bošnjačka, tri hrvatska i tri srpska delegata.

## **2. Predstavnički dom**

Predstavnički dom sastoji se od 42 člana, od kojih se dvije trećine biraju sa teritorije Federacije, a jedna trećina sa teritorije Republike Srpske.

a) Članovi Predstavničkog doma biraju se neposredno iz svog entiteta, u skladu sa izbornim zakonom kojeg će donijeti Parlamentarna skupština. Međutim, prvi izbori će biti održani u skladu sa Aneksom 3. Opšteg okvirnog sporazuma.

b) Većina svih članova izabranih u Predstavnički dom sačinjava kvorum.

## Ustav Federacije Bosne i Hercegovine

### **A.ZAKONODAVSTVO**

a) Zakonodavnu vlast će u Bosni i Hercegovini vršiti Predstavnički dom i Dom naroda.

#### **1. Predstavnički dom**

##### **Član 1.**

(1) Najmanje četiri člana jednog konstitutivnog naroda će biti zastupljeno u Predstavničkom domu Federacije Bosne i Hercegovine.

(2) Predstavnički dom sastoji se od devedeset osam zastupnika.

##### **Član 2.**

Mandat poslanika u Predstavničkom domu je četiri godine, ukoliko se Dom ne raspusti u skladu sa ovim ustavom.

##### **Član 3.**

(1) Poslanici u Predstavničkom domu biraju se demokratskim putem na neposrednim izborima, tajnim glasanjem, na teritoriji cijele Federacije. Svaki birač ima pravo glasati za bilo koju registriranu stranku.

(2) Prije svakih izbora, svaka registrirana stranka objavljuje izbornu listu kandidata. Izabrani poslanici u Predstavničkom domu iz svake stranke osobe su sa vrha liste te stranke, prema broju dobijenih glasova. Zamjene za poslanike vrše se od osoba koje slijede na ostatku liste.

##### **Član 4.**

Svaki birač sa pravom glasa može biti poslanik u Predstavničkom domu.

##### **Član 5.**

Predstavnički dom bit će prvi put sazvan najkasnije dvadeset dana nakon objavljivanja rezultata izbora.

#### **2. Dom naroda**

##### **Član 6.**

##### **Sastav Doma naroda i izbor članova**

(1) Sastav Doma naroda Federacije Bosne i Hercegovine će biti paritetan tako da svaki konstitutivni narod ima isti broj delegata.



web: <http://mpu.ks.gov.ba>

e-mail: [pravda@ks.gov.ba](mailto:pravda@ks.gov.ba)

Tel: + 387 (0) 33 562-083, Fax: + 387 (0) 33 562-241  
Sarajevo, Reisa Džemaludina Čauševića 1



(2) Dom naroda sastoji se od pedeset osam delegata, i to po sedamnaest delegata iz reda svakog od konstitutivnih naroda i sedam delegata iz reda ostalih.

(3) Ostali imaju pravo da ravnopravno učestvuju u postupku većinskog glasanja.

### Član 7.

Mandat delegata u Domu naroda je četiri godine, ukoliko Dom ne bude raspušten u skladu sa ovim ustavom.

### Član 8.

(1) Delegate Doma naroda biraju kantonalne skupštine iz reda svojih delegata proporcionalno nacionalnoj strukturi stanovništva.

(2) Broj delegata za Dom naroda koji se biraju u svakom kantonu srazmjeran je broju stanovnika kantona, s tim što se broj, struktura i način izbora delegata utvrđuju zakonom.

(3) U Domu naroda bit će najmanje jedan Bošnjak, jedan Hrvat i jedan Srbin iz svakog kantona koji imaju najmanje jednog takvog zastupnika u svom zakonodavnom tijelu.

(4) Delegate Bošnjake, Hrvate i Srbe iz svakog kantona biraju zastupnici iz reda tog konstitutivnog naroda u skladu sa izbornim rezultatima u zakonodavnom tijelu tog kantona, a izbor delegata iz reda ostalih uredit će se zakonom.

(5) U Domu naroda ne može vršiti funkciju delegata ni jedan zastupnik u Zastupničkom domu niti vijećnik općinskog vijeća.

## Ustav Kantona Sarajevo

### Član 17.

Skupština je jednodomo predstavničko tijelo sastavljeno od 35 poslanika.

Pripadnicima nacionalnih manjina u Kantonu garantuje se jedno poslaničko mjesto u Skupštini, koje se popunjava u skladu sa izbornim propisima.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje četiri godine.

Klub delegata konstitutivnog naroda formira se uz uslov da postoji najmanje jedan delegat tog konstitutivnog naroda u Skupštini.

Klub Ostalih formira se uz uslov da postoji najmanje jedan poslanik koji se izjašnjava kao Ostali odnosno kao pripadnik nacionalne manjine.

Pored navedenih ustavnih odredbi, jedinice lokalne samouprave su svojim statutima uredili pitanje broja vijećnika u gradskim, odnosno općinskim vijećima.

Kao primjer, navest ćemo odredbe Statuta Općine Centar (“Službene novine Kantona Sarajevo”, broj 23/04-Prečišćeni tekst) koji regulišu pitanje broja vijećnika u općinskom vijeću:

## *Općinsko vijeće*

### Član 8.

Općinsko vijeće je predstavničko tijelo građana Općine, koje funkciju vlasti vrši u skladu sa ustavom, zakonom i ovim statutom.

### Član 9.

Općinsko vijeće broji 31 vijećnika.

Izbor vijećnika Općinskog vijeća vrši se na način i po postupku utvrđenim Izbornim zakonom.



web: <http://mpu.ks.gov.ba>

e-mail: [pravda@ks.gov.ba](mailto:pravda@ks.gov.ba)

Tel: + 387 (0) 33 562-083, Fax: + 387 (0) 33 562-241  
Sarajevo, Reisa Džemaludina Čauševića 1



Zaključno, da bi se smanjio broj poslanika/zastupnika u tijelima zakonodavne vlasti u Bosni i Hercegovini, odnosno vijećnika u predstavničkim tijelima jedinica lokalne samouprave, potrebno je izmjeniti navedene odredbe ustava svih nivoa vlasti, kao i statute svih jedinica lokalne samouprave na način kako je to propisano navedenim ustavima, odnosno statutom jedinice lokalne samouprave.

S poštovanjem,

Dostaviti:

1. Naslovu;
2. Sekretar Skupštine Kantona Sarajevo;
3. Sekretar Vlade Kantona Sarajevo.



web: <http://mpu.ks.gov.ba>

e-mail: [pravda@ks.gov.ba](mailto:pravda@ks.gov.ba)

Tel: + 387 (0) 33 562-083, Fax: + 387 (0) 33 562-241  
Sarajevo, Reisa Džemaludina Čauševića 1

